

03



BOSNA I HERCEGOVINA
URED ZA RAZMATRANJE ŽALBI

БОСНА И ХЕРЦЕГОВИНА
КАНЦЕЛАРИЈА ЗА РАЗМАТРАЊЕ ЖАЛБИ

BOSNIA AND HERZEGOVINA
PROCUREMENT REVIEW BODY

Broj: JN2-01-07-1-741-6/21
Sarajevo, 02.04.2021.godine

Bosna i Hercegovina
FEDERACIJA BOSNE I HERCEGOVINE
HERCEGOVAČKO-NERETVENSKA ŽUPANIJA
OPĆINA PROZOR-RAMA

Primijeno: 2. 4. 21		
Oznaka	Broj	Priloga

Ured za razmatranje žalbi BiH, rješavajući po žalbi broj: 389/21 od 04.03.2021.godine **Grupe ponuđača: „Graditelj svratišta“ d.o.o. Prozor – Rama (ovlašteni predstavnik grupe ponuđača), „GS Građenje“ d.o.o. Prozor- Rama i „Energó“ d.o.o. Prozor- Rama**, izjavljene na Odluku o izboru najpovoljnijeg ponuđača broj: 01/1-19-2534/20-10 od 22.02.2021.godine i Zapisnik o radu povjerenstva broj: 01/1-19-2534/20-9 od 19.02.2021.godine, u postupku javne nabavke – Izgradnja objekta dječijeg vrtića u Prozoru, obavještenje o nabavci broj: 1025-1-3-71-3-40/20 od 24.09.2020.godine, ugovornog organa: Općina Prozor - Rama, na osnovu člana 104., 106. stav (2) i 111. stav (1) tačka b) Zakona o javnim nabavkama ("Službeni glasnik BiH" broj: 39/14) i člana 59., 60. i 210. stav (1) i (2) Zakona o upravnom postupku ("Službeni glasnik BiH", br. 29/02, 12/04, 88/07, 93/09 i 41/13), na sjednici Vijeća, održanoj 02.04.2021.godine, donio je

ZAKLJUČAK

Odbacuje se žalba broj: 389/21 od 04.03.2021.godine Grupe ponuđača: „Graditelj svratišta“ d.o.o. Prozor – Rama (ovlašteni predstavnik grupe ponuđača), „GS Građenje“ d.o.o. Prozor- Rama i „Energó“ d.o.o. Prozor- Rama, izjavljena na Odluku o izboru najpovoljnijeg ponuđača broj: 01/1-19-2534/20-10 od 22.02.2021.godine i Zapisnik o radu povjerenstva broj: 01/1-19-2534/20-9 od 19.02.2021.godine, u postupku javne nabavke – Izgradnja objekta dječijeg vrtića u Prozoru, , ugovornog organa: Općina Prozor - Rama, kao **neuredna**.

Obrazloženje

Ugovorni organ, Općina Prozor - Rama, pokrenuo je postupak javne nabavke – Izgradnja objekta dječijeg vrtića u Prozoru, obavještenje o nabavci broj: 1025-1-3-71-3-40/20 od 24.09.2020.godine.

Grupa ponuđač: „Graditelj svratišta“ d.o.o. Prozor – Rama (ovlašteni predstavnik grupe ponuđača), „GS Građenje“ d.o.o. Prozor- Rama i „Energo“ d.o.o. Prozor- Rama izjavila je žalbu broj: 389/21 od 04.03.2021.godine na Odluku o izboru najpovoljnijeg ponuđača broj: 01/1-19-2534/20-10 od 22.02.2021.godine i Zapisnik o radu povjerenstva broj: 01/1-19-2534/20-9 od 19.02.2021.godine, u postupku javne nabavke – Izgradnja objekta dječijeg vrtića u Prozoru, ugovornog organa: Općina Prozor - Rama, a koja je u skladu sa članom 100. stav (5) i članom 107. Zakona o javnim nabavkama proslijeđena ovom organu i zaprimljena kod istog dana 12.03.2021.godine.

Uvidom u spis predmeta ovaj organ ovaj organ je utvrdio da žalba nije sadržavala sve elemente žalbe i dokaze koji se prilažu uz žalbu, te je od žalitelja aktom ovog organa broj: JN2-01-07-1-741-3/21 od 23.03.2021.godine zatraženo da dopuni žalbu tako što će dostaviti dokaz o uplati naknade za pokretanje žalbenog postupka u iznosu od 7.500,00 KM i dokaz o uplati administrativne takse u iznosu od 100,00 KM, uz napomenu da u slučaju da ne postupi po navedenom aktu žalba će se smatrati neurednom, te će se ista odbaciti.

Prije nego što se upustio u meritorno odlučivanje, ovaj organ je pristupio provjeri formalnih pretpostavki za ulaganje žalbe, koje moraju biti ispunjene na strani žalitelja, kako bi se uopšte pristupilo njenom rješavanju, a odnose se na dopuštenost, blagovremenost i izjavljenost od ovlaštenog lica u skladu sa članom 109. stav (1) Zakona o javnim nabavkama kao i na pretpostavke propisane članom 105. Zakona o javnim nabavkama.

Pri provjeri predmetnih pretpostavki, ovaj organ je utvrdio da u žalbi nisu dostavljeni svi dokazi koji se prilažu uz žalbu, na način propisan odredbom člana 105. Zakona o javnim nabavkama. Navedenom odredbom propisan je sadržaj žalbe, kao i dokazi koji se trebaju priložiti uz žalbu, a između ostalog i dokaz o plaćenju naknade za pokretanje žalbenog postupka, koju je žalitelj obavezan uplatiti (član 108. stav (1) Zakona), u iznosima propisanim članom 108. Zakona, te je propisana obaveza Ureda za razmatranje žalbi da prije razmatranja žalbe utvrdi da li je žalitelj uplatio naknadu u skladu sa članom 108. stav (3) Zakona.

U konkretnom slučaju uvidom u raspoloživu dokumentaciju, ovaj organ je utvrdio da žalitelj nije u ostavljenom roku od tri dana postupio po aktu broj: JN2-01-07-1-741-3/21 od 23.03.2021.godine, odnosno nije dostavio dokaz o plaćenju naknade za pokretanje žalbenog postupka u iznosu od 7.500,00 KM, te nije dostavio ni dokaz o plaćenju administrativnoj taksi, zahtjevan u skladu sa Zakonom o administrativnim taksama („Službeni glasnik BiH“ broj: 16/02, 19/02, 43/04, 8/06, 76/06 i 76/07), u iznosu od 100,00 KM.

U skladu sa navedenim i odredbama člana 105. i 106. Zakona o javnim nabavkama BiH, kao i člana 60.stav (2) Zakona o upravnom postupku ovaj organ je utvrdio da je žalba neuredna, te je kao takvu treba odbaciti.

Kako je ovaj organ poduzeo sve radnje da se nedostaci u žalbi otklone, određivši rok u kojem je podnositelj žalbe dužan to da ispuni, a da žalitelj i nakon dopisa ovog organa nije postupio po odredbama Zakona o javnim nabavkama BiH i Zakona o upravnom postupku, to je ovaj organ pozivajući se na odredbe prednje navedenih propisa, kojim je propisano da kod donošenja odluke o žalbi, Ured za razmatranje žalbi, u skladu sa članom 111. stav (1) tačka b), ima ovlasti, odbaciti žalbu kao neurednu, odlučio kao u dispozitivu ovog zaključka.

Uputstvo o pravnom lijeku:

Ovaj zaključak je konačan upravni akt. Protiv ovog zaključka može se podnijeti tužba u upravnom sporu pred Sudom Bosne i Hercegovine u roku od 30 dana od dana prijema zaključka. Taksa na tužbu iznosi 100,00 KM.



Dostaviti:

- „Graditelj svratišta“ d.o.o. Prozor – Rama
Ul. Nikole Šopa br.4
88440 Prozor – Rama,
- Općina Prozor - Rama,
- evidencija,
- a/a